

## Հ Ա Շ Վ Ե Տ Վ ՈՒ Թ Յ ՈՒ Ն

### 2024թ մարտի 4-8-ը Շրի Լանկայի Դեմոկրատական Սոցիալիստական Հանրապետություն կատարած գործուղման արդյունքների մասին

1. Անունը, ազգանունը՝ Մարտիրոս Նալբանդյան
2. Զբաղեցրած պաշտոնը՝ ՀՀ տարածքային կառավարման և ենթակառուցվածքների նախարարության ջրային կոմիտեի նախագահի տեղակալ
3. Գործուղման վայրը և ժամկետները. Շրի Լանկայի Դեմոկրատական Սոցիալիստական Հանրապետություն, Կոլոմբո, 2024թ. մարտի 4-ից 8-ը
4. Հրավիրող կողմը. Միավորված ազգերի կազմակերպության զարգացման ծրագիր (ՄԱԶԾ)
5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը). Մասնակցություն 16 երկրների ներկայացուցիչների միջև փորձի փոխանակման աշխատաժողովին

Ճապոնիայի կառավարության աջակցությամբ ՄԱԿ-ի Զարգացման ծրագիրը 2021թ.-ից ի վեր օգնում է զարգացող երկրներին իրենց ազգային կլիմայական խոստումները (նաև հայտնի են որպես ազգային որոշված ներդրումներ կամ NDCs) վերածել շոշափելի գործողությունների: Ֆինանսավորումն իրականացվում է ՄԱԶԾ-ի առաջատար նախաձեռնության՝ Կլիմայի խոստման միջոցով:

ՄԱԶԾ-ի առաջատար «Կլիմայական խոստում» նախաձեռնությունը վերջին վերանայման շրջանի ընթացքում աջակցել է բոլոր զարգացող երկրների դիմումների 85 տոկոսին ազգային որոշված ներդրումների (NDC) ներքո, որոնց 91 տոկոսը բարձրացրել է մեղմացման հավակնությունները, իսկ 93 տոկոսը բարձրացրել է հարմարվողականության հավակնությունները:

6. Քննարկված թեմաները. Աշխատաժողովում քննարկվել են կլիմայի փոփոխության հարմարվողականության և մեղմացնող ծրագրերի վերաբերյալ մասնակից երկրների լավագույն փորձը, ինչպես նաև 16 երկրների պետական և միջազգային գործընկեր կառույցների ներկայացուցիչների ջանքերն ու գիտելիքները՝ ուղղված Փարիզի համաձայնագրի ներքո Ազգային մակարդակներում սահմանված գործողությունների արդյունավետ իրականացմանը: Աշխատաժողովը կարևոր հարթակ էր՝ վերլուծելու կլիմայի փոփոխության նկատմամբ հարմարվողականության և դրա ազդեցությունը

մեղմացնող գործողությունների հիմնական ոլորտները, ներառյալ՝ կայուն գյուղատնտեսական պրակտիկաները, ջրօգտագործման գործելակերպերը, մաքուր էներգիան և տրանսպորտը և այլն: Այս համատեքստում հարկ է նշել, որ ՄԱԶԾ-ն 2021թ. ի վեր զարգացող երկրներին աջակցում է իրենց ազգային կլիմայական պարտավորությունները կյանքի կոչելու գործում:

**7. Հանդիպումները, ելույթները, բարձրացված կամ քննարկված հարցերը.** Փորձի փոխանակման աշխատաժողովի շրջանակներում կազմակերպված տարբեր ձևաչափով քննարկումների ընթացքում Մ. Նալբանդյանի կողմից ներկայացվել է մասնավորապես Ճապոնիայի կառավարության կողմից ֆինանսավորվող և ՄԱԶԾ-ի կողմից իրականացվող «Անցում ցածրածխածնային ոռոգման տեխնոլոգիաներին Լոռու և Շիրակի մարզերում՝ բարձրացված արտադրողականության, պարենային անվտանգության և բարելավված կենսապահովման համար» ծրագրի արդյունքներն ու գրանցած առաջընթացը թիրախային մարզերի ոռոգման արդյունավետության բարձրացման տեսանյունից, նշելով նաև ջրային ոլորտի նմանատիպ ծրագրերի ուղղակի և անուղղակի ներդրումն ու մասնաբաժինը Փարիզի համաձայնագրի ներքո Ազգային մակարդակներում սահմանված գործողությունների արդյունավետ իրականացման գործընթացում: Քննարկվել են նաև նմանատիպ ծրագրերի իրականացման այլ երկրների փորձը, ինչպես նաև ծրագրային խնդիրներին և գլոբալ մարտահարվերներին վերաբերող հարցեր:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպման ձևաչափը չի ենթադրել որոշումների ընդունում: Հանդիպման ժամանակ փաստաթղթեր չեն ստորագրվել:

Մ. Նալբանդյանը երկկողմ ձևաչափով քննարկումներ է ունեցել ՄԱԶԾ գլխամասային գրասենյակի և Հնդկաստանի ներկայացուցիչների հետ: Պայմանավորվածություն է ձեռք բերվել համատեղ քննարկումների ձևաչափով նախանշել ջրային ոլորտում հետագա համագործակցության զարգացման հնարավորություններն ու շրջանակները: Այս համատեքստում Մ. Նալբանդյանը հնդկական կողմի գործընկերների հետ քննարկել է Հայաստանի և Հնդկաստանի միջկառավարական հանձնաժողովի՝ 2022թ-ի հուլիսի 4-ին Երևանում կայացած 8-րդ նիստի արձանագրությամբ ձեռք բերված պայմանավորվածությունների ուղղությամբ հնարավոր համագործակցության շրջանակները: Մ. Նալբանդյանը ՄԱԶԾ գլխամասային գրասենյակի ներկայացուցչի հետ աճանձնագրույցի ընթացքում խնդրել է գործընկերուհուն Ճապոնիայի կառավարության կողմից ֆինանսավորվելիք հետագա ծրագրերում կարևորել ջրային համակարգերի ոլորտային դերակատարումը և խոցելիությունը կլիմայական

փոփոխությունների համատեքստում և վստահեցրել, որ ՀՀ ՏԿԵՆ ջրային կոմիտեն պատրաստակամ է շարունակել համագործակցությունը և ստանձնել առաջատար գործընկերոջ դերակատարում նմանատիպ նախաձեռնություններում:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Փորձի փոխանակման աշխատաժողովի արդյունքներով առաջարկվում է.

- Միջազգային հարթակներում հետևողականորեն առաջ տանել և ջրային ոլորտը որպես թիրախ կարևորել կլիմայի փոփոխության նկատմամբ հարմարվողականության, ինչպես նաև ազդեցությունները մեղմացնող նախաձեռնություններում՝ երկկողմ, բազմակողմ ձևաչափով քնարկումներում, հանդիպումներում և տեղական ու արտերկրյա աշխատաժողովներում: Առաջարկի իրագործման ձևերն են երկրի կողմից իրականացված և ընթացիկ ծրագրերի ներկայացումը, կարողությունների օբյեկտիվ գնահատման ու ներկայացումը, կլիմայի փոփոխության հետ ոլորտի ուղղակի կապի և առնչության մեխանիզմների ներկայացումը, հիմնավոր գնահատված կարիքների ներկայացումը, ինչպես նաև հնարավոր համագործակցությունների իրավական և ինստիտուցիոնալ շրջանակների նախանշումը: Սույն առաջարկության պատասխանատվությունը հարկավոր է վերապահել ՀՀ ՏԿԵՆ ջրային կոմիտեին:

**10. Ստորագրությունը, ամսաթիվը:**

 Recoverable Signature

X 

ՄԱՐՏԻՐՈՍ ՆԱԼԲԱՆԴՅԱՆ

14.03.2024թ. Signed by: NALBANDYAN MARTIROS 1801790221